



武田
612
6



武
612
卷
6

三字紙裂



齊

淡

重訂唐王壽先生外臺秘要方卷第六目錄

霍亂及嘔吐

霍亂病源論三首

霍亂吐痢方一十二首

霍亂臍上築方三首

霍亂腹痛吐痢方七首

霍亂不止及洞下洩痢方八首

霍亂後脈絕手足冷方四首

霍亂煩躁方八首

霍亂眾藥療不効方二首

乾濕霍亂及痰飲方五首



小臺必妥

六卷目錄

歷余

霍亂心腹痛方三首

霍亂煩渴方四首

霍亂乾嘔方五首

霍亂轉筋方一十四首

霍亂雜灸法二十六首

三焦脉病論二首

上焦熱及寒吐痢腸鳴短氣方九首

中焦熱及寒洩痢方三首

下焦熱方六首

下焦虛寒方六首

許仁則霍亂方三首

雜療霍亂方四首

乾嘔方六首

嘔噦方四首

噦方七首

嘔逆吐方八首

嘔逆不下食方八首

許仁則療嘔吐方四首

雜嘔吐噦方三首

噫醋方七首

唐王燾先生外臺秘要方第六卷

宋朝散大夫守光祿卿直秘閣判登聞鼓院上護軍臣林億等 上進

新安後學程衍道敬通父訂梓

門人鄭康宸奠乙父仝校

霍亂病源論三首

病源霍亂者由人溫涼不調陰陽清濁二氣有相于亂之時其亂在於腸胃之間者因遇飲食而變發則心腹絞痛其有先心痛者則先吐先腹痛者則先痢心腹並痛者則吐痢俱發挾風而實者身發熱頭痛體疼而復吐痢虛者但吐痢心腹刺痛而已亦有飲酒食肉好冷腥膾生冷過

檢

度或居處不節或露卧濕地或當風取涼而風冷之氣歸於三焦傳於脾胃脾胃得冷則不磨不磨則水穀不消化亦令清濁二氣相干脾胃虛弱便生吐痢水穀不消則令心腹脹滿皆成霍亂霍亂有三名一名胃反言其胃氣虛逆反吐飲食也二名霍亂言其病揮霍之間便致撩亂也三名走哺言其哺食變逆者也診其脉來代者霍亂又脉代而絕者亦霍亂霍亂脉大可療微細不可療霍亂吐下脉微遲氣息劣口不欲言者不可療也養生方云七月食蜜令人暴下發霍亂出第二十二卷中

千金論曰原夫霍亂之為病也皆因食飲非關鬼神飽食

昇時

肥膾復食乳酪海陸百品無所不啖眠卧冷席多飲寒漿胃中諸食結而不消陰陽二氣擁而反戾陽氣欲降陰氣欲升陰陽乖隔變成吐痢頭痛如破百節如解遍體諸筋皆為廻轉論證雖小卒病之中最為可畏雖臨深履危不足以喻之也養生者宜達其旨趣庶可免於天橫者矣又凡霍亂務在溫和將息若冷則遍體轉筋凡此病定已後一日不食為佳仍須三日少少喫粥三日以後乃可恣意食息也七日勿雜食為佳所以養脾氣也出第二十二卷中

霍亂吐痢方一十二首

黃濟療霍亂吐痢扁豆湯方

扁豆葉切一升

香薷葉切一升

木瓜一枚切

乾薑一兩切

右四味以水六升煮取二升五合絞去滓分溫三服服別相去如人行六七里並無所忌

又療冷熱不調霍亂吐痢宿食不消理中丸方

人參 八分

白朮 八分

甘草 八分炙

乾薑 六分

高良薑 八分

桂心 六分

右六味擣篩蜜丸空腹以飲下服如梧子大三十九日二服漸加至四十九老小以意減之忌生冷油膩生葱海藻菘菜桃李雀肉等物

又療霍亂冷熱不調吐痢高良薑湯方

高良薑五兩

木瓜一枚

杜梨枝葉三兩

右三味切以水六升煮取二升絞去滓空腹溫三服服別如人行六七里無所忌並出第四卷中

小品霍亂吐痢心煩亂髮湯主之方

亂髮一握如鴨子大燒令焦

人參 一兩

吳茱萸一升

甘草 一兩炙

右四味切以水三升酒二升煮取二升絞去滓溫服五合忌海藻菘菜

又療霍亂吐痢已服理中及四順湯不解者以竹葉湯方

竹葉一虎口切之

小麥 一升

生薑 十兩

甘草 一兩炙

人參 一兩

附子一兩炮

肉桂 二兩

當歸 二兩

芍藥 一兩

白朮 三兩

橘皮 二兩

右十一味以水一斗半先煮小麥竹葉取八升汁去滓
內諸藥煮取二升半分三服吐痢後腹滿加厚朴二兩
炙上氣加吳茱萸半升差理中四順則大熱熱毒霍亂
宜竹葉湯忌生葱海藻菘菜猪肉桃李雀肉等千金古
今錄驗
並同

葱

又霍亂吐痢而汗出小便復利或下利清穀裏外無熱脈
微欲絕或惡寒四肢拘急手足厥逆四逆加猪膽湯主之
方

甘草 二兩

乾薑 半兩

附子 一枚

生薑破片猪膽汁半

右四味切以水二升煮取一升四合温分再服無猪膽
以羊膽代之強人可與大附子一枚乾薑加至三兩若
吐之後吸吸少氣者及下而腹滿者加入參一兩諸藥
皆減為一兩如證者亦宜與理厥人參湯佳忌海藻菘
菜猪肉刪繁千金經心錄同

又四順湯與前療同常用此方

人參 三兩

乾薑 三兩

甘草 三兩

附子 二兩

右四味切以水六升煮取二升絞去滓温分三服轉筋
肉冷汗出嘔噦者良忌海藻菘菜猪肉千金同刪繁范
汗方云利甚者
加龍骨二兩妙

五白丸療霍亂嘔吐及暴痢良方

半夏三兩洗 附子四兩炮 乾薑四兩炮

人參三兩 桔梗二兩

右五味作散臨病和之若吐痢不止者以苦酒和之飲服二丸如梧子不差復服耐藥者加之以意下者用蜜和丸亦得忌猪羊肉餒范汪同並出第四卷中

崔氏理中丸療三焦不通嘔吐不食并霍亂吐逆下痢及不得痢悉主之方

人參三兩 乾薑二兩炮 白朮三兩 甘草三兩炙

右四味搗篩蜜和丸如梧子平旦取粥清服五丸日再

服一方乾薑三兩忌海藻菘菜桃李雀肉等出第二卷中

延年理中丸療霍亂吐痢宿食不消方

白朮二兩 乾薑一兩炮 人參二兩

甘草二兩炙 大麥蘖二兩炒黃

右五味搗篩蜜和為丸以飲服十五丸如梧子大日再服稍加至二十九忌海藻菘菜桃李雀肉等出第六卷中必効理中散主霍亂及轉筋吐痢不止方

青木香六分 桂心八分炙 厚朴八分炙

甘草八分炙 白朮八分 乾薑十分炮

附子六分炮

藥令

以 應 丸

右七味搗篩為散飲服兩錢七如人行五六里不定更服一錢七差止忌海藻菘菜生葱猪肉桃李雀肉等

又方

若熱霍亂則渴心煩欲得冷水喫則宜恣意飲冷水及土漿取足定止

霍亂臍上築方三首

病源霍亂而氣築悸者由吐下之後三焦五藏不和而水氣上乘於心故也腎主水其氣通於陰若吐下則三焦五藏不和故脾氣亦虛不能制水水不下宣與氣俱上乘心其狀起臍下上促腹至心氣築築然而悸動不定也出第二十

焦

二卷中

千金加木
作去木

仲景論霍亂臍上築者腎氣動也先療氣理中湯去木加桂凡方加木者以內虛也加桂者恐作奔豚也理中湯方

人參 二兩

甘草 三兩

白朮 三兩

乾薑 三兩

右四味切以水八升煮取三升去滓溫服一升日三夜一若臍上築者腎氣動也去朮加桂心四兩吐多者去朮加生薑三兩若下多者復用朮悸者加茯苓二兩若先時渴喜得水者加朮合前成四兩半若腹中痛者加人參合前成四兩半若惡寒者加乾薑合前成四兩半若腹滿者去朮加附子一枚炮去皮破六片服湯後一

病

食頃飲熱粥一升許汗微出自溫勿發揭衣被也忌海
藻菘菜桃李雀肉等千金備急文仲崔氏集驗必効小
品古今錄驗並同

又霍亂臍上築者以吐多故也若吐多者理中湯主之方
如前法加減霍亂四逆吐少嘔多者附子粳米湯主之方

附子一枚炮去皮破六片 半夏半升洗用 甘草一兩炙
大棗十枚擘 粳米半升

右五味切以水八升煮米熟去滓溫服一升日三忌羊
肉猪肉海藻菘菜餒一方有乾薑一兩小品千金同出
第十七卷中

范汪療霍亂臍上築而悸茯苓理中湯方

茯苓二兩 甘草三兩炙 乾薑一兩炮

人參三兩 木瓜三兩

右五味咬咀以水六升煮取三升去滓適寒溫分為四
服忌海藻菜酢物出第四卷中

霍亂腹痛吐痢方七首

廣濟療霍亂腹痛吐痢方

取桃葉切三升以水五升煮取一升三合分溫二服
出第四卷中

范汪理中加二味湯療霍亂胃滿腹痛吐下方

人參三兩 乾薑三兩炮 甘草三兩炙
白朮三兩 當歸二兩 芍藥二兩

松

右六味咬咀以水七升煮取三升絞去滓温服一升日
三甚良忌海藻菘菜桃李雀肉等

又主霍亂腹痛吐下方

取桃葉冬取皮煎汁服一酒杯有效千金云擣絞取汁一升服立止

出第四卷中

千金理中湯療霍亂吐下脹滿食不消心腹痛方

人參 三兩

白朮 三兩

甘草 三兩

乾薑 三兩

右四味以水六升煮取三升絞去滓温分三服不差頻
進兩三劑遠行防霍亂作丸如梧子服二十九散服方
寸七酒亦得若轉筋者加石膏三兩忌海藻菘菜桃李

雀肉等

與前仲景方同加減別備急集驗小品又仲古
今錄驗同出第二十卷中

備急療霍亂吐痢高良薑酒方

高良薑火炙令焦香每用五兩打破以酒一升煮取

三四沸頓服亦療霍亂腹痛氣惡崔氏延年同出第
一卷中

救急療霍亂初覺不好則用此方主腹痛吐痢香薷湯方

生香薷

切一升 小蒜

一升 厚朴

六兩 生薑

右四味切以水一斗煮取三升分三服得吐痢止每服
皆須温如吐痢不止用後方

又蘆根湯方

生蘆根

切一升入土者

生薑 一斤

橘皮 五兩

右三味切以水八升煮取二升分二服服別相去以意消息之並出第一卷中

霍亂不止及洞下洩痢方八首

病源霍亂而下痢者是冷氣先入於腸胃腸胃之氣得冷

則交擊而痛故霍亂若先腹痛者則先下痢也出第二十卷中

廣濟療霍亂不止方

取酢漿水三升煮取一升五合內米粉一抄攪調分

二服服別相去如人行三四里出第四卷中

小品霍亂卒吐下不禁脈暴數者人參湯主之方

人參 二兩 茯苓 二兩 葛根 二兩 橘皮 二兩

麥門冬 去心 二兩 甘草 炙 二兩

右六味切以水五升煮取二升絞去滓溫分三服忌海

藻菘菜酢物出第四卷中

刪繁療霍亂洞泄不止臍上築築腎氣虛人參理中湯方

人參 乾薑 甘草 炙各 三兩 茯苓 四兩

橘皮 四兩 桂心 三兩 黃耆 二兩

右七味切以水九升煮取三升去滓分溫三服忌海藻

菘菜生葱醋物肘後云洞者宜瀉也 出第四卷中

又療中焦虛寒洞泄人參湯補虛泄方

人參 三兩 甘草 二兩 黃芩 二兩 當歸 三兩

葱

茯苓 四兩
乾薑 四兩
厚朴 四兩
芎藭 三兩
粟米 二升

右九味切以水一斗五升煮米取熟去米澄取七升下諸藥煎取三升分三服忌海藻菘菜大酢等物

又療中焦洞泄下痢或因霍亂後瀉黃白無度腹中虛痛黃連湯方

金色黃連 四兩
黃蘗 三兩
當歸 三兩
厚朴 二兩

酸石榴皮 四兩
乾薑 三兩
地榆 四兩
阿膠 四兩

右八味切以水九升煮取三升去滓下阿膠更煎取烱分三服忌猪肉冷水並出第四卷中

千金療霍亂洞下不止方

取艾一把水三升煮取一升頓服之備急同出第二

延年增損理中丸主霍亂下氣能食止洩痢方

人參 六分
白朮 六分
厚朴 六分
茯苓 六分
甘草 六分
薑屑 二分

右六味擣篩蜜和為丸如梧子大一服十丸飲下酒下亦得加至十五二十九忌生冷海藻菘菜桃李雀肉大醋出第六卷中

必効療霍亂水痢腹中雷鳴無不差烏梅黃連散方

烏梅肉 三兩
黃連 三兩
熟艾葉 三兩
赤石脂 二兩

當歸 三兩

甘草 三兩

附子 二兩

阿膠 三兩

碎熬 妙黃然後水

右八味搗篩為散有患者每服二方寸匕疑熱則飲之疑冷則酒下忌海藻菘菜猪肉冷水出第二卷中

霍亂後脈絕手足冷方四首

病源霍亂而大吐下後其腸胃俱虛乃至汗出其脈欲絕手足皆冷名為四逆四逆者謂陰陽卒厥絕也出第二十卷中

仲景傷寒論既吐且痢而大汗出小便復利或下利清穀裏寒外熱脈微欲絕或發熱惡寒四肢拘急手足厥逆者四逆湯主之方

甘草 二兩 炙

附子 一枚 生去皮破六片

乾薑 一兩半

右三味切以水三升煮取一升二合去滓溫分二服加

減依後法忌海藻菘菜猪肉千金同

又吐已下斷汗出厥冷四肢拘急不解脈微欲絕者通脈四逆湯主之方

甘草 二兩 炙

大附子 一枚

削去皮破六片

乾薑

三兩炮 強人可至四兩

右三味以水三升煮取一升二合去滓溫分二服其脈

即出愈若面色赤者加葱九莖若腹中痛者去葱加芍

藥二兩若嘔者加生薑二兩若咽痛者去芍藥加桔梗

一兩若利止脈不出者去桔梗加人參二兩病皆與方

相應乃合服之若吐利止身疼痛不休者消息和其外

葱

傷寒論中又有療諸發熱霍亂者審取之忌海藻菘菜
猪肉仲景傷寒論上證合用通脉四逆加猪膽湯又吐
之並出第十七卷中利止身痛不休者消息和解其外宜桂枝湯小和

小品扶老理中散并作丸長服亦得療羸老冷氣惡心食
飲不化腹虛滿拘急短氣及霍亂嘔逆四肢厥冷心煩氣
悶流汗悉主之方

- 人參 五兩
- 乾薑 六兩
- 白朮 五兩
- 麥門冬 三兩去心
- 附子 三兩炮
- 茯苓 三兩
- 甘草 五兩

右七味作散臨病煮取三合白湯飲和方寸匕一服不
効又服常將蜜丸酒服如梧子二十九忌海藻菘菜猪

肉桃李雀肉大醋千金同出第四卷中

千金四逆湯主多寒手足厥冷脉絕方

- 吳茱萸 二升
- 當歸 三兩
- 桂心 三兩
- 芍藥 三兩
- 細辛 二兩
- 通草 二兩
- 生薑 八兩
- 甘草 二兩炙
- 大棗 十二枚辟手

右九味切水六升清酒六升合煮取三升分温四服舊
方棗二十五枚今以霍亂法多痞故除之若除棗入葛
根二兩佳忌生葱生菜海藻菘菜三厚大書
此方名當歸四逆加吳茱萸生薑湯

霍亂煩躁方八首

枝

病源霍亂之後煩躁卧不安者由吐下之後腑藏虛極陰陽未理血虛氣亂故血氣之行未復常度內乘於腑藏故煩躁而不得安卧也出第二十二卷中

肘後霍亂後煩躁卧不安葱白大棗湯方

葱白 二十莖

大棗 二十枚壁去

右二味以水二升半煮取一升去滓頓服之文仲同

又療霍亂心腹脹痛煩滿短氣未得吐下方

生薑或若乾薑 一小升

右一味咬咀以水五升煮三沸頓服若不即愈可更作

又方

無新藥
黃滓亦
得

桂心屑半升以煖飲二升和之盡服忌生葱備急同

二卷中

文仲療霍亂煩躁方

濃煮竹葉飲五升令灼灼爾以淋轉筋處肘後備急同

又方

服乾薑屑三兩方寸七肘後備急同

又方

小蒜一升咬咀水三升煮取一升頓服之肘後同並出第一卷中

備急療霍亂煩躁方

黃梁米粉半升水一升半和攪如白飲頓服糯米亦

梁

小臺必更

六卷

十三

經余居

得

又方

燒亂髮如雞子大以鹽湯三升和服之不吐復服出第一卷中

霍亂衆藥療不効方二首

小品療霍亂諸藥不能療亂髮湯方

握如雞子焦

煎令

亂髮一握

小蒜十四枚

附子一兩

甘草二兩

右四味切以水六升煮取三升去滓温分三服忌猪肉海藻菘菜出第四卷中

千金人參湯療毒冷霍亂吐痢煩嘔轉筋虛冷汗出手足

指浮腫氣息垂死絕語首聲不出百方不効脉不通者服此湯取差乃止隨吐者續更服勿住方

人參一兩 附子炮

厚朴炙

茯苓

甘草炙

橘皮

當歸

葛根各二兩

桂心炮各三兩 乾薑炮各三兩

右十味以水七升煮取二升半分温三服忌海藻菘菜生葱大酢出第二十卷中

乾濕霍亂及痰飲方五首

病源霍亂者多吐痢也乾霍亂者冷氣搏於胃飲食不消但腹滿煩亂絞痛短氣其腸胃先挾實故不吐痢名爲乾

淡葱

霍亂也。出第二十二卷中

救急療霍亂無問乾濕冷熱等木香湯方

青木香 長三寸

高良薑 二兩

豆蔻子 二枚

右三味咬咀以水一大升煮取半升頓服之則定

又方

取烏牛屎二兩以水二升煮沸絞濾頓服之大良

又生薑湯方

以東壁土一把生薑一大兩碎之

右二味用水一大升煮取半升澄清熱飲之如渴依前

進並出第一卷中

淡

必效療上吐下痢者名為濕霍亂方

黃牛屎半大升許取水一大升煮三兩沸和牛屎濾

取汁服半升即止犁牛子屎亦佳無牛處常將乾者

相隨亦好用

備急崔氏范汪同出第三卷中

又四神丸主霍亂冷實不除及痰飲百病無所不主方

乾薑 一兩

桂心 一兩

附子

一兩炮

巴豆

六枚

無皮者研

右四味末之蜜和為丸如小豆大飲服二丸取快下不

下又服一丸忌生葱野猪肉蘆筍

胡洽同出第四卷中

霍亂心腹痛方三首

病源霍亂而心腹痛者是風邪之氣客於藏腑之間冷氣

與真氣相擊或上攻心或下攻腹故心腹痛也出第二十二卷中

廣濟療霍亂心腹痛煩嘔不止厚朴人參湯方

厚朴四兩炙 橘皮二兩 人參二兩

高良薑一兩 當歸一兩 藿香一兩

右六味以水七升煮取二升五合絞去滓分溫三服服

別相去如人行六七里忌生冷粘膩出第四卷中

肘後療霍亂苦絞痛不止方

薑三累 豉二升 合搗中分為兩分手捻令如粉熬令

灼灼爾更番以熨臍中取愈世第一卷中

千金霍亂蠱毒宿食心腹痛冷氣鬼氣方

極鹹鹽湯三升一味霍亂心腹暴痛宿食不消積冷

煩滿者熱飲一升以指刺口令吐宿食使盡不盡更

刺吐訖復飲三吐住靜止此法大勝諸藥俗人以爲

田舍淺近法鄙而不用守死而已凡有此疾即須先

用之備急崔氏集驗文仲並同出第二十二卷中

霍亂煩渴方四首

病源霍亂而煩渴者由大吐逆上焦虛氣不調氣乘於心

則煩悶也大利則津液竭津液竭則藏燥藏燥則渴也煩

渴不止則引飲引飲則利亦不止出第二十二卷中

肘後療霍亂吐下後大渴多飲則殺人方

理 痧

黃梁米五升水一斗煮之令得三升汁澄清稍稍飲之勿飲餘飲備急同糯米亦得出第二卷中

備急近効療霍亂不吐不下食氣急而渴方

木瓜一枚切以水四升煮取二升細細飲盡更作吐不止者亦差若渴唯飲此湯佳根莖亦可用此湯令人吐崔氏張文仲同出第一卷中

必効霍亂渴方

糯米二升擣取泔飲訖則定若不渴不須一方渴者服之并當飽又云研糯米取白汁恣意飲之以差為度涇陽崔刷云奇効偏主乾霍亂出第三卷中

又療霍亂後渴口乾腹痛不止者厚朴桂心湯方

厚朴 四兩炙 桂心 二兩

右二味切以水四升煮取一升二合絞去滓內分六合細細飲之服了如其渴欲得冷水盡意飲之長安傳少府常服忌生葱出第二卷中

霍亂乾嘔方五首

病源霍亂而乾嘔者由吐下之後脾胃虛極上焦不理氣痞結於心下氣時逆上故乾嘔乾嘔者謂欲嘔而無所出也若更遇冷冷折胃氣胃氣不通則變噦也出第二十二卷中
肘後療苦嘔不息方

取薤白一虎口切以水三升煮令得一升半服之不
過三度備急同

又乾薑茱萸湯方

乾薑 切

茱萸 各二兩熬

右二味以水二升煮取一升頓服之下不止手足逆必

者加椒百粒附子一枚炮水三升煮取一升頓服山第

刪繁療霍亂後不欲食胃弱嘔吐不止厚朴湯方

厚朴 四兩炙

乾扁豆葉 二兩

茯苓 三兩

白朮 五兩

人參 三兩

右五味切以水七升煮取二升分三服忌桃李大醋雀

肉等出第二卷中

千金療霍亂引飲後輒乾嘔方

生薑五兩水五升煮取二升半分二服又煮高良薑

飲之大佳延年秘錄備急小品崔氏張文仲同出第

經心錄療霍亂後煩嘔厚朴湯方

厚朴 二兩炙

生薑 三兩

枳實 三兩炙

右三味切以水六升煮取二升分三服出第二卷中

霍亂轉筋方一十四首

病源霍亂而轉筋者由冷氣入於筋故也足之三陰三陽
之筋起於足指手之三陰三陽之筋起於手指並循絡於

搏

搏

易喜

身夫霍亂大吐下之後陰陽俱虛血氣虛極則手足逆冷而榮衛不理冷搏於筋則筋為之轉冷入於足之三陰三陽則脚筋轉入於手之三陰三陽則手筋轉隨冷所入之筋筋則轉轉者由邪冷之氣擊動其筋而移轉也又轉筋者由榮衛氣虛風冷搏於筋故也手足之三陰三陽之筋皆起於手足指而並絡於身若血氣不足陰陽虛者風冷邪氣中其筋隨邪所中之筋筋則轉轉者謂其轉動也經云足太陽下血氣皆少則喜轉筋若踵下痛者是血氣少則陽虛虛而風冷乘之故也診其左手關上肝脈也沉為陰陰實者肝實也舌肉動轉筋左手尺中名神門以後脈

足少陰經也浮為陽陽虛者病苦轉筋其湯熨針石別有正方補養宣導今附於後養生方導引法云偃卧展兩脛兩手外踵者相向令鼻內氣自極七息除兩膝寒脛骨疼轉筋又云覆卧傍視立兩踵伸腰鼻內氣去轉筋又云張脛兩足指號五息止令人不轉筋極自用力張脚痛挽兩足指號言寬大去筋節急攣臂痛久行身開張又云覆卧傍視立兩踵伸腰以鼻內氣自極七息除脚中弦痛轉筋酸疼一本云療脚弱出第二十二卷中

廣濟療霍亂吐痢轉筋欲入腹高良薑湯方

高良薑

四兩

桂心

四兩

灰洗却膩

右二味切以水七升煮取二升去滓分三服如人行四五里一服忌生冷葱

又療霍亂轉筋不止茱萸湯方

吳茱萸 一升 甘草 二兩炙 乾薑 二兩炮

麥子 一把 亂髮 一兩燒 桂心 二兩

右六味切以水七升煮取二升三合絞去滓分溫三服服別相去如人行六七里忌生冷葱海藻菘菜生冷粘膩等

又療轉筋方

取故綿多取醃醋既中蒸及熱用裹病人脚冷更易

勿停差止 千金同並出第四卷中

肘後療兩臂脚及胷脅轉筋者方

取鹽一升半水一斗煮令熱灼灼爾漬手足在胷脅者湯洗之轉筋入腹中到擔病人令頭在下腹中平乃止若劇者引陰陰縮必死猶在到擔之可冀活耳

又方

煮苦酒三沸浸氈裹轉筋上合少粉尤佳又以綿纏膝下至足 崔氏集驗備急同

又若轉筋入腹中轉者方

取雞屎白一方寸七水六合煮三沸溫頓服勿令病

如 令 擔 擔

小臺必要

六卷

二

經餘居

者知仲景經心錄備急集驗必効同

又若霍亂注痢不止而轉筋入腹欲死者方

生薑三兩搗碎以酒一升煮三四沸頓服之肘後小品備急

同出第二卷中

藤藜裏

刪繁療舌強筋縮牽陰股引胃腹脹痛霍亂黃龍藤湯方

黃龍藤切一升黃龍藤者此樟木上藤也斷以吹氣從中貫度

右一物以水四升煮取八合為一服一劑不止更至一

劑良驗或宿食不消霍亂或乾霍亂或吐痢不止或不

吐痢並悉療之出第三卷中

千金霍亂轉筋入腹不可奈何方

糟

極鹹作鹽湯於糟中煖漬之則差小品集驗同

又方

以醋煮青布掄脚膝冷復易之備急文仲崔氏小品集驗救急同

又方

蓼一杷去兩頭以水二升煮取一升頓服一方云梨葉文仲小

品備急同並出第二十卷中

救急霍亂脚轉筋絕四肢已冷強氣絕心上微暖者猶可

救之方

取朱砂二兩熟研蠟三兩和之為丸待冷著火籠中如熏衣被厚覆勿令煙洩兼牀下著火令腹微暖徹

良久當汗則漸氣通便活忌生血物出第一卷中

必効主霍亂脚轉筋及入腹方

以手拗所患脚大母指灸當脚心下急筋上七壯

又方

木瓜子根皮合煮湯服之並出第三卷中

霍亂雜灸法二十六首

肘後療霍亂先腹痛者法

灸臍上十四壯名太倉在心厭下四寸更度之千金備急

崔氏古今錄驗並同通按銅人經中管一名太倉在臍上四寸胃募也

又療先洞下者法

二天

灸臍邊二寸男左女右十四壯甚者至三十四壯

名大腸募也千金備急崔氏古今錄驗同

又療轉筋者法

灸脚心下名湧泉穴

又灸當足大母指聚筋上六七壯神驗

又灸足大指下約中一壯千金及翼同

又療轉筋入腹痛者法

令四人捉手足灸臍左二寸十四壯

又灸股中大筋上去陰一寸

又療苦哕若者方法

灸手腕第一約理中七壯名心主當中指
又療下痢不止者法

灸足大指本節內側一寸白肉際左右七壯名大都
千金同通按銅人經大都二穴在足大指本節後陷中

又療吐且下痢者法

灸兩乳邊連黑外近腋白肉際各七壯可至二七壯

若湊 又療苦煩悶急滿法

灸心厭下三寸七壯名胃管文仲同

又法

以鹽內臍中灸上二七壯文仲千金翼同

肉

若

又療苦繞臍痛急者法

灸臍下三寸三七壯名關元良文仲同

又療先吐者方

灸心下一寸十四壯又并療下痢不止上氣灸五十

壯名巨闕正心厭尖頭下一寸是也千金翼文仲崔氏備急同通按

銅人經巨闕在鳩尾下一寸心之募也

又療霍亂神秘起死灸法

以物橫度病人口中屈之從心鳩尾度以下灸度下
頭五壯橫度左右復灸五壯此三處併當先灸中央
畢更橫度左右也又灸脊上以物圍令正當心厭又

夾脊左右一寸各七壯是腹背各灸三處崔氏文仲同
又華佗療霍亂已死上屋喚魂者又以諸療皆至而猶不
差者法

捧病人覆卧之伸臂對以繩度兩肘尖頭依繩下夾
背脊大骨空中去脊各一寸灸之百壯無不活者所
謂灸肘椎空囊歸已試數百人皆灸畢即起坐佗以
此術傳其子孫世世皆秘之不傳千金崔氏備急同並出第一卷中
千金凡得霍亂灸之或時雖未立差終無死憂不可逆灸
或但先腹痛或先下後吐當隨病灸之
又療霍亂灸法

灸穀門穴在臍傍二寸男左女右一名大腸募
七壯不止又灸如前數通按甲乙鍼經天樞一名長
谷一名穀門夾臍兩傍各二
寸陷者中

又療吐下不禁兩手三陰三陽脉俱疾數者法

灸心厭骨下三寸又灸臍下三寸各六七十壯

又療乾嘔者法

灸間使穴在手掌後三寸兩筋間左右各灸七壯不

差更灸如前數翼文伸肘後同

又療手足逆冷者法

灸三陰交穴在足內踝直上三寸廉骨際陷中左右

七壯不差更灸如前數肘後古今錄驗同

又療轉筋不止者法

灸足踵聚筋上白肉際七壯立愈

又療走哺轉筋者法

灸踝白肉際左右各二十一壯

又灸小腹下橫骨中央隨年壯

又療轉筋四厥者法

灸兩乳根黑際各一壯

又療轉筋在兩脅及胃中法

灸手掌白肉際七壯又灸臆中中府巨門兩胃管尺

章

以上并療筋拘頭足攣急皆愈

又療轉筋不止者法

若是男子手挽其陰牽之女子挽其乳逐左右邊

又療轉筋欲死者方

令四手持足灸臍上一寸十四壯自不動勿復持

之

又療霍亂泄痢所傷煩欲死者方

灸慈宮各二十壯慈宮在橫骨兩邊各二寸半橫骨

在臍下橫門骨是也並出第二十卷中通按甲乙鍼

寸在橫骨兩端約中動脈是

救急療霍亂心腹痛脹吐痢煩悶不止則宜灸之方

令病人覆卧伸兩臂膊著身則以小繩正當兩肘骨

尖頭從背上量度當脊骨中央繩下點之去度又取

繩量病人口至兩吻截斷便中折之則以度向所點

背下兩邊各依度長短點之三處一時下火灸絕便

定神驗艾炷大稍加也

又療霍亂轉筋不止漸欲入腹凡轉筋能殺人起死之法

無過於灸法唯三處要穴第一承筋穴在膈股下際取

穴法

以繩從脚心下度至脚踵便截斷度則迴此度從脚

踵縱量向上盡度頭當膈下際宛宛中是穴灸三七

壯則定

又不止則灸涌泉在足心下當足大指中節後一寸

半正當大筋上是穴又灸足跟後黑白肉交際當中

央此三處要穴灸之不過二三七壯必定並出第一卷中

三焦脉病論二首

刪繁論曰夫三焦者一名三關也上焦名三管反射中焦

名霍亂下焦名走哺合而為一有名無形主五藏六腑往

還神道周身貫體可聞不可見和利精氣決通水道息氣

脾胃之間不可不知也凡上焦三管反射者通三焦名中

榮者云
云注千金
為本文

清之腑也。別號玉海。水道出。屬膀胱。合者雖合而不同。上
中下三焦同號為孤之腑也。而榮出中焦。衛出上焦。榮者是絡
脉之氣道。衛者是上焦如霧。霧者霏霏起上也起於胃。上管並咽。
以上貫膈。布胃中。走腋。循足太陰之分而行。還注手陽明。
上至舌。下注足陽明。常以榮衛俱行於陽二十五度。行陰
亦二十五度。為一周。日夜五十周身。周而復始。大會於手
太陰。手少陽也。主心肺之病。內而不出。人有熱則飲食下
胃。其氣未定。汗則出。或出於面。或出於背。或出於身。手皆
不循衛氣之道而出。蓋外傷於風。內開腠理。毛蒸理泄。衛
氣走之。故不得循其道。此氣慄悍滑疾。見開而出。故不得

膈。從

其道名曰漏泄。其病則肘掌痛。食先吐而後下。氣不續。
膈間厭悶。所以飲食先吐而後下也。寒則精神不守。泄下
便利。語聲不出。若實則上絕於心。若虛則引氣於肺。出第

千金卷
中千金同

千金論曰。三焦病者。腹脹氣滿。少腹尤堅。不得小便。窘急
溢則為水。留則為脹。候在足太陽之外。大絡在太陽少陽
之間。亦見于脉。取委陽。少腹病。腫痛不得小便。邪在三焦
約。取太陽大絡。視其結脉與厥陰小絡結而血者。三焦脹
者。氣滿在皮膚。殼殼然而不堅。手少陽之脉是動。則病耳。
聾。輝輝焯焯。嗑腫喉痺。是主氣所生病者。汗出目銳皆痛。

光背

外臺秘要

六卷

三

經余居

類痛耳後肩膈肘臂外皆痛小指次指不用爲此諸病寒

則留之熱則疾之陷下則灸之不盛不虛以經取之盛者
人迎一倍於寸口虛者人迎反小於寸口出第二十卷中

上焦熱及寒吐痢腸鳴短氣方九首

刪繁療上焦實熱飲食下胃其氣未定汗出面背身中皆

熱名曰漏氣通脈瀉熱澤瀉湯方

澤瀉 二兩 生地骨皮 五兩 甘草 炙 一兩 半夏 二兩 洗

石膏 八兩 碎 柴胡 三兩 茯苓 三兩 生薑 三兩

竹葉 合 切 五 人參 二兩 桂心 一兩 蓴心 一升

白十二味切以水一斗煮取三升分三服忌海藻菘菜

羊肉錫醋生葱千金同

又療上焦熱腹滿而不欲食或食先吐而後下肘脅變痛

麥門冬理中湯方

生麥門冬 升 一 生薑 四兩 白朮 五兩 甘草 二兩 炙

上黨人參 三兩 茯苓 二兩 橘皮 三兩 竹茹 一升 茹

生薑根 升 一 蓴心 五合 萎蕤 三兩 廩粟 一升

右十二味切以水一斗五升煮取三升分三服忌海藻

菘菜大醋桃李雀肉等千金同

又療上焦氣不續胸膈間厭悶所以飲食先吐而後下半

夏理中續膈破寒湯方

通按
理中湯
內有乾
薑今無
乾薑有
生薑又
有生薑
根不卜
何故

半夏

半升製洗破

生薑

四兩

麻黃

三兩去節

前胡

三兩

澤瀉

三兩

竹葉

一升切

細辛

三兩

枳實

三兩炙

杏仁

三兩去皮尖

右九味切以水九升煮取三升去滓分三服忌羊肉餛

生菜等物

又療上焦熱牽肘攣心痛喘欬短氣動而好唾潤肺止心

痛大棗湯方

大棗

三十枚去核

杏仁

三兩去皮尖

人參

三兩

紫苑

二兩

萎蕤

三兩

麥門冬

三兩去心

百部

三兩

通草

三兩

石膏

八兩碎

五味子

三兩

羊腎

三枚四碎去膏

麻黃

三兩去節

乾及兩人者

右十二味切以水一斗煮取二升五合去滓下蜜三合

生薑汁三合淡竹瀝三合更上火煎取三升分三服

又療上焦虛寒精神不守泄下便利語聲不出茯苓安心

湯方

茯苓

三兩

人參

三兩

乾薑

三兩

桂心

一兩

遠志皮

三兩

甘草

二兩炙

右六味切以水九升煮取三升去滓分三服忌生葱醋

物海藻菘菜等物

又療上焦虛寒腸鳴下利心下痞堅半夏瀉心湯方

半夏

五兩洗四破

黃芩

三兩

甘草

三兩炙

人參

三兩

小臺必要

六卷

二九

經餘居

乾薑 三兩 黃連 一兩 桂心 三兩

右七味以水九升煮取三升去滓分三服忌海藻菘菜

錫羊肉生葱猪肉冷水此仲景半夏瀉心湯方本無桂心有大棗十二反出第四卷中

千金療上焦虛寒短氣語聲不出黃耆補中湯方

黃耆 二兩 桂心 二兩 丹參 四兩一作人參 桔梗 三兩

乾薑 三兩 五味子 三兩 茯苓 三兩 甘草 三兩炙

杏仁 四兩去皮尖 芎藭 二兩

右十味切以水九升煮取三升絞去滓溫分三服忌海

藻菘菜猪肉生葱大醋刪繁同

又療上焦冷下痢腹內不安食好注下黃連丸方

烏

黃連 八兩 乾薑 四兩 樺皮 二兩 烏梅肉 八兩

附子 四兩炮 桂心 一兩 芎藭 三兩 黃蘗 三兩

阿膠 四兩炙

右九味末之白蜜和為丸如梧子大飲下二十九加至

三十九忌猪肉冷水生葱等刪繁同

又療上焦閉塞乾嘔嘔而不出熱少冷多好吐白沫清涎

吞酸厚朴湯方

厚朴 四兩炙 吳茱萸 五兩合 人參 三兩 茯苓 四兩

桔梗 三兩 生薑 八兩 玄參 三兩 芎藭 四兩

白朮 四兩 附子 三兩 橘皮 三兩去赤脉

右十一味切以水九升煮取三升絞去滓分三服忌猪肉桃李雀肉大醋刪繁同出第二十卷中

中焦熱及寒洩痢方三首

刪繁論曰中焦如漚
漚者在胃起於胃中管在上焦之後
此受氣泌糟粕蒸津液化其精微上注於肺脉乃化而為
血奉以生身莫貴於此故獨得行於經隧名曰榮氣主足
陽明陽明別號曰豐隆在外踝上去踝八寸別走太陰絡
諸經之脉上下絡太倉主熟五穀不吐不下實則生熱熱
則閉塞不通上下隔絕虛則生寒寒則洞泄便痢霍亂主
脾胃之病夫血與氣異形而同神氣是精氣榮是神氣故

血與氣異形而同類焉奪血無汗此是神氣奪汗無血此是精氣故
人有一死而無再生也猶精神之氣隔絕也若虛則補於
胃實則瀉於脾調其中和其源萬不遺一也千金同
又療中焦實熱閉塞上下不通隔絕關格不吐不下腹滿
彭彭喘急大黃瀉熱開關格通隔絕湯方

大黃二兩切以水升合 黃芩 三兩 澤瀉 三兩

升麻 三兩 羚羊角 四兩 梔子人 四兩

生地黄汁 一升 玄參 八兩 苡消 三兩

右九味切以水七升先煮七味取二升三合下大黃更
煎數沸絞去滓下消分三服忌蕪荑千金同

千金療中焦熱水穀下痢藍青丸方

藍青汁三升

黃連八兩

黃蘗四兩

白朮三兩

地榆二兩

地膚子二兩

阿膠五分

烏梅肉三兩

右八味下篩用藍汁和微火上煎為丸如杏人大飲服

三丸日再七月七日合之良當併手丸之忌猪肉冷水

桃李雀肉等

又療中焦虛寒四肢不可舉動多汗洞痢方

灸大橫隨年壯大橫俠臍傍行相去兩邊各兩寸五

分刪繁同出第二十七卷中

下焦熱方六首

刪繁論曰下焦如瀆

瀆者如溝水決洩也

起胃下管別迴腸注於膀胱

而滲入焉故水穀常并居於胃中成糟粕而俱下於大

腸主足陽明灌滲津液合膀胱主出不主入別於清濁主

肝腎之病也若實則大小便不通利氣逆不續吐嘔不禁

故曰走哺若虛則大小便不止津液氣絕人飲酒亦入胃

穀未熟而小便獨先下者何也蓋酒者熟穀之液也其氣

悍以滑故後穀入而先穀出也所以熱則瀉於肝寒則補

於腎千金同

又療下焦熱大小便俱不通柴胡通塞湯方

柴胡三兩

黃芩三兩

橘皮三兩

澤瀉三兩

寫

梔子人 四兩 石膏 六兩碎 羚羊角 三兩炙 生地黄 一升

苾消 三兩 香豉 一升綿裹

右十味切以水一斗煮九味取三升去滓下苾消分三服忌蕪荑千金同

又療下焦熱氣逆不續吐嘔不禁名曰走哺止嘔人參湯方

人參 生蘆根 梔子人 萎蕤

黃芩 知母 茯苓 各三兩 白朮 四兩

石膏 八兩 橘皮 四兩

右十味切以水九升煮取三升去滓分三服忌桃李雀

肉醋等千金同

又療走哺不止或嘔噎熱氣衝心滿悶香豉湯方

香豉 一升熬別裹 生地黄 一升切 白朮 三兩 甘草 二兩

竹葉 一升 石膏 八兩碎綿裹 茯苓 三兩 葱白 一升切炙

右八味切以水七升煮取二升五合去滓分三服須利

下加苾硝三兩忌蕪荑海藻菘菜桃李雀肉酢物等

又療下焦熱毒痢血如鵝鴨肝不止升麻湯方

升麻 三兩 犀角 三兩屑 地榆 四兩炙

絳草 三兩 蕪荷根 四兩 黃芩 三兩

巴焦根 一升切 桔梗 三兩 梔子人 三枚七

絳囊

右九物切以水九升煮取三升去滓分三服忌猪肉
出第四卷中

千金療下焦熱或痢下膿血煩悶恍惚赤石脂湯方

赤石脂 八兩 烏梅肉 二十枚 梔子 十四枚 白木 三兩

乾薑 二兩 廩米 一升 升麻 三兩

右七味切以水一斗煮米取熟去米取七升下諸藥煮
取三升五合去滓分三服忌桃李雀肉等 刪繁同

又療下焦熱毒痢魚腦雜痢鮮血臍下少腹絞痛不可忍
欲痢不出香豉湯方

香豉 一升 梔子 四兩 薤白 一升

黃連 三兩 黃蘗 三兩 黃芩 四兩

地榆 四兩 白木 三兩 茜根 三兩

右九味切以水一斗煮取三升分三服忌猪肉冷水桃
李雀肉等 刪繁同出第二十卷中

下焦虛寒方六首

刪繁療下焦虛寒大便洞泄不止藥皮湯止痢方

黃蘗 三兩 黃連 五兩 人參 三兩

茯苓 四兩 厚朴 四兩 艾葉 一升

地榆 三兩 樗皮 四兩 阿膠 三兩

右九味切以水一斗煮取三升去滓下膠煎取二升分

三服忌猪肉冷水醋等千金同

又療下焦虛寒津液不止氣欲絕人參續氣湯方

人參

橘皮

去赤脉

茯苓

烏梅皮

麥門冬

去心

黃耆

芎藭

乾薑

各三兩

白朮

四兩

厚朴

四兩

桂心

二兩

吳茱萸

三兩

右十二味切以水一斗二升煮取三升去滓分三服忌

桃李雀肉生葱醋物千金同

又療下焦虛寒損腹中瘀血令人喜忘不欲聞人聲胃中氣塞而短氣茯苓丸方

茯苓八分

甘草七分

杏仁

五十分

人參

七分

厚朴

五分

乾薑

七分

黃耆

六分

桂心

四分

當歸

八分

芎藭

五分

乾地黄

八分

右十一味搗篩下蜜和為丸如梧子初服二十九加至三十九日再服清白飲進之忌海藻菘菜生葱酢物蕪荑等

又療下焦虛寒損或先見血後便轉此為近速血或利不利

伏龍肝湯方

伏龍肝

五合

甘草

二兩

乾薑

二兩

黃蘗

五兩

黃芩

二兩

牛膝根

二兩

槲脉

二兩

燒頭髮屑

二合

阿膠

二兩

右九味切以水七升煮取三升去滓下阿膠更煎取膠
烱下髮屑分三服忌海藻菘菜千金并翼有乾地黄五兩無黃蘗千金并翼同
出第四卷中

千金療下焦虛寒損或先便轉後見血此為遠血或利下
或不利好因勞冷而發續斷止利湯方

續斷 三兩 當歸 三兩 乾薑 四兩 蒲黃 三分

桂心 二兩 甘草 二兩 乾地黄 四兩 阿膠 二兩

右八味以水九升煮六味取三升五合去滓下阿膠更
煎取膠烱盡下蒲黃分三服忌海藻菘菜生葱燕莢

又療三焦虛損或上下發泄吐唾血皆從三焦因起或熱

損發或虛寒損發或因勞發或因酒發當歸湯方

當歸 三兩 白芍藥 四兩 羚羊角 三兩 伏龍肝 一兩九如雞子

黃芩 二兩 乾地黄 二兩 白朮 四兩 青竹皮 一升

栝枝 三兩 小薊 三兩 阿膠 三兩 乾薑 二兩

甘草 二兩 蒲黃 五合 亂髮 一兩燒灰如雞子

右十五味切以水一斗二升煮十二味取三升五合去
滓下阿膠煎取膠烱下髮灰蒲黃分三服忌海藻菘菜
燕莢桃李雀肉等刪繁同並出第二十卷中

許仁則療霍亂方三首

許仁則云此病有兩種一名乾霍一名濕霍乾霍死者多

濕霍死者少，俱繇飲食不節，將息失宜，乾霍之狀，心腹脹滿，攪刺疼痛，煩悶不可忍，手足逆冷，甚者流汗如水，大小便不通，求吐不出，求痢不下，須臾不救，便有性命之虞。濕霍之狀，心腹亦攪痛，諸候有與乾同，但吐痢無限，此病始得，有與天行相似者，亦令頭痛，骨肉酸楚，手足逆冷，四體發熱，乾霍大小便不通，煩冤欲死，宜急與巴豆等三味丸服之，服取快利方。

巴豆

一百枚，熬令熟，去心皮。

乾薑

五兩，崔氏以芒消五兩代與千金同。

大黃 五兩

右藥先擣乾薑、大黃為散，後別擣巴豆如膏，和前二味同擣令細，細下蜜丸，以飲下，初服三丸，如梧子大，服

訖，數投肚令轉動，速下利，良久不覺，則以熱飲投之，又良久不利，夏服一九，須臾當利，利後好將息，食飲寒溫以意取適，如渴者煮漿水粥，少少啜之，忌野猪肉、蘆笋等物。張文仲處

高良薑 二兩

豆蔻子 十二枚

桂心 二兩

右藥切，以水四升，煮取一升，去滓，細細啜之，亦有於此方加乾薑、人參二物，忌生葱。

又木瓜、桂心二物飲之方。

木瓜 一枚，濕乾並得。

桂心 二兩。

右藥以水二升，煮取七合，去滓，細細飲之，亦有豆蔻子。

代桂心者亦有單煮木瓜汁飲之忌生葱吳升同出第一卷中

雜療霍亂方四首

小品療霍亂嘔啞氣厥不得喘息鼓湯方

鼓一升 半夏一兩洗 生薑二兩 人參一兩 柴胡一兩 甘草一兩炙

右六物切以水五升煮取二升半溫服七合忌羊肉錫海藻菘菜等千金有桂心一兩

又療卒道中得霍亂無有方藥氣息危急醫視捨去皆云必死療之方

蘆蓬蕙一大把煮令味濃頓服二升則差已用有效

食中魚蟹毒者服之尤良

蘆蓬蕙蘆花是也備急集驗文仲范汪同並出第四

卷中

刪繁療霍亂食不消腸鳴腹痛熱不止桔梗湯方

桔梗四兩 白朮五兩 乾薑三兩

茯苓三兩 倉米一升

右五物切以水八升煮倉米熟去米將汁煮藥取二升絞去滓分服忌桃李雀肉猪肉大酢

近効訶梨勒散療一切風氣痧冷霍亂食不消大便澀方

取訶梨勒三顆擣取皮和酒頓服三五度則差 乾嘔方六首

病源乾嘔者胃氣逆故也但嘔而欲吐吐而無所出故謂之乾嘔也出第二十一卷中

廣濟療卒乾嘔不息方

破雞子去白吞中黃數枚則愈肘後備急張文仲同

又方

生葛根絞取汁服一升

又方

甘蔗汁溫令熱服一升日三服一云甘草汁張文仲同並出第三卷中

集驗療病人乾嘔方

取羊乳汁飲一杯千金同

杯

又療吐逆乾嘔生薑湯方

生薑 四兩 澤瀉 三兩 桂心 二兩 橘皮 三兩

甘草 二兩 茯苓 四兩 人參 一兩 大黃 四兩

右八味切以水七升煮取三升服五合日三忌海藻菘

菜醋物生葱並出第四卷中

崔氏療患嘔人參湯方

人參 一兩 胡麻人 八合令香 橘皮 二兩 枇杷葉 半斤拭

右四味切以水一斗煮枇杷葉取五升汁內人參等三

種煎取三升稍稍飲之徐王張文仲千金同出第三卷中

嘔噦方四首

病源嘔噦之病者由脾胃有邪穀氣不消所為也胃受邪氣逆則嘔脾受邪脾脹氣逆遇冷折之氣逆不通則噦也

出第二十一卷中

廣濟療嘔噦不止橘皮湯方

橘皮 一升

生薑 八兩

甘草 二兩

枇杷葉

四兩拭

右四味切以水五升煮取二升五合絞去滓分溫三服每服相去如人行六七里進服內消忌海藻菘菜出第一卷中

肘後療嘔噦方

生蓼萸籬斷之當汁出器承取飲一升生葛籬尤後

又方

炙之去

枇杷葉一斤拭毛蜜炙水一斗煮取三升分再服出

同出第一卷中

必効療嘔噦方

取蘆根五兩切以水五升煮取三升頓服兼以童子

小便一兩合不過三服則差出第二卷中

噦方七首

病源脾胃俱虛受於風邪故令新穀入胃不能傳化故穀之氣與新穀相于胃氣則逆胃逆則脾脹脾脹則氣逆因遇冷折之則噦也右手關上脉沉而虛者病善噦也出第二

一卷中

肘後療卒腕不止方

痛抓眉中央閉氣也

又方

以物刺鼻中若以少許皂莢屑內鼻中令嚏則差

又方

但閉氣抑引之

又方

好豉二升煮取汁服之千金同

又方

案米粉二升并華水服之並出第三卷中

抵

抑

集驗療卒噦方

枳實三枚炙去核咬咀之以三家乳一升以羊脂五

兩煎枳實令沸復內乳令沸去滓含咽之范汪同出第六卷中

張文仲陶氏碗方

飲新汲井水數升附後備急千金同出第六卷中

嘔逆吐方八首

病源嘔吐者皆由脾胃虛弱受於風邪所為也若風邪在

胃則嘔膈間有停飲胃內有久寒則嘔而吐其狀長大息

心裏澹澹然或煩滿而大便秘或澹泄並其候養生方云

八月勿食薑一云被霜瓜向冬發寒熱及溫病食欲吐或

裏

佳

心中停飲不消或爲反胃其湯熨針石別有正方補養宣
導今附於後養生方導引法云正坐兩手向後捉腕反向
拓席盡勢使腹弦弦上下七左右換手亦然除腹肚冷風
宿氣或胃口冷食飲進退吐逆不下又云偃卧展兩脛兩
手左右躡兩足踵以鼻內氣自極七息除腹中病食苦嘔
又云坐直舒兩足以兩手挽兩足自極十二通愈腸胃不
能受食吐逆以兩手直叉兩脚底兩脚痛舒以頭抵膝上
自極十二通愈腸胃不能受食吐逆出第二十一卷中
仲景傷寒論嘔吐病在膈上後必思水者急與之思水與
猪苓散方

猪苓 去皮

茯苓

白朮

右三味各等分擣篩飲汁和服方寸匕日三服欲飲水
者極與之本虛與水則噦攻其熱亦噦忌桃李雀肉醋
物千金同出第十六卷中

必効小麥湯主嘔吐不止方

小麥一升

人參四兩

青竹茹二兩

茯苓三兩

厚朴四兩

甘草一兩

生薑汁三合

右七味以水八升煮取三升分三服忌海藻菘菜酢物
同

又凡服湯嘔逆不入腹者方

先單煮炙甘草三小兩以水三升煮取二升服之得吐但更服不吐益好消息定然後服餘湯則流利更不吐也忌海藻菘菜千金同並出第二卷中

延年人參飲主吐方

人參一兩

橘皮三兩

生薑一兩

右三味切以水四升煮取一升五合分溫三服出第六卷中

又麥門冬飲主風邪熱氣衝心心悶短氣吐不下食方

麥門冬二兩

去心

人參一兩

橘皮一兩

生薑三兩

羚羊角一兩

右五味切以水五升煮取一升五合去滓分溫三服

又甘草飲主脾腎冷氣乘心痛悶吐利四肢逆冷或煩疼方

甘草二兩

人參二兩

乾薑四兩

厚朴二兩

白朮二兩

右五味切以水五升煮取一升五合去滓分溫三四服如人行八九里忌海藻菘菜桃李雀肉等出第六卷中

新附近効療嘔逆方

白油麻一大合以清酒半升煎取三合看冷熱得所去油麻以酒頓服之立驗無忌

又方

勝

諫

麻人三合熬擣以水研取汁著少鹽喫立効李諫議

用有効
嘔逆不下食方八首

廣濟療嘔逆不能多食方

訶梨勒 三兩去核煨

右一味擣為散蜜和九空腹服二十九日二服以知為度利多減服無所忌

又療嘔逆不下食腹中氣逆豆蔻子湯方

豆蔻子 七枚 碎 生薑 五兩 人參 一兩 甘草 一兩

右四味切以水四升煮取一升五合去滓分溫二服相

去如人行五六里進服忌海藻菘菜

又療兩脅下妨嘔逆不下食柴胡湯方

柴胡 八分 茯苓 八分 橘皮 六分 人參 六分

厚朴 八分 炙 桔梗 六分 紫蘇 五分 生薑 十六分

訶梨勒 七枚 去核煨 甘草 五分 炙

右十味切以水八升煮取二升五合絞去滓分溫三服服別相去如人行六七里進一服不吐利忌海藻菘菜醋物猪肉等

又療患身體煩疼頭痛喫食嘔逆不得食柴胡湯方

柴胡 十分 茯苓 八分 枳實 八分 炙 白朮 八分

熱麩炙肉油膩

又療虛熱嘔逆不下食食則煩悶地黃飲子方

生地黄汁六合 蘆根一握 生麥門冬一升 人參八分

白蜜三合 橘皮六分 生薑八分 一方云生薑汁一合

右七味切以水六升煮取二升去滓下地黄汁分温三

服如人行四五里進一服不利忌蕪荳生令麩炙肉蕎

麩猪肉蒜粘食

又療煩熱嘔逆不下食食則吐出麥門冬湯方

生麥門冬三兩 青竹茹三兩 茅根五兩

甘草一兩 生薑五兩 人參一兩

右六味切以水七升煮取二升五合去滓分温三服如

人行六七里進一服不吐利忌海藻菘菜並出第一卷中

備急療吐逆水米不下乾薑甘草湯方

乾薑二分 炮 甘草一分 炙

右二味切以水二合煎取一合去滓頓服則定少間與

粥則不嘔神驗忌海藻菘菜張文仲同出第三卷中

延年人參飲主嘔不能食方

人參 八分

厚朴 六分 炙

橘皮 六分

白朮 八分

生薑 八分

右五味切以水四大升煮取一升五合分温三服忌桃李雀肉等蔣孝璋處出第六卷中

許仁則療嘔吐方四首

許仁則療嘔吐病有兩種一者積熱在胃嘔逆不下食一者積冷在胃亦嘔逆不下食二事正反須細察之必其食飲寢處將息傷熱又素無冷病年壯力強膚肉充滿此則是積熱在胃致此嘔逆如將息食飲寢處不熱又素有冷病年衰力弱膚肉瘦悴此則積冷在胃生此嘔逆若是積

冷嘔逆經久急須救之不爾甚成反胃病積熱在胃嘔逆不下食宜合生薑根五味飲服方

生薑根 切一升 生麥門冬 二升 青竹茹 一升

生薑汁 五合 茯苓 五兩

右藥切以水八升煮取二升半去滓加竹瀝六大合攪調分三服相去如人行十里久始服一劑得可欲重服亦佳

又依前生薑根等五味飲服之雖可然未能全除者宜合茯苓等五味丸服之方

茯苓 五兩 人參 三兩 麥門冬 一升 去心

生薑 屑六兩 青竹茹 一升

右藥搗篩蜜和為丸煎蘆根飲下之初服十五丸日二服稍稍加至三十丸丸如梧子大忌醋物

又積冷在胃嘔逆不下食宜合半夏等二味丸服之方

半夏一升 洗去滑 熊州者 小麥麩 一升

右搗半夏為散以水漉麩丸如彈子大以水煮令麩熟則是藥成初吞四五丸日二服稍稍加至十四五丸旋煮旋服服此覺病減欲更重合服亦佳忌羊肉錫救急

又依前半夏等二味丸雖覺漸損然病根不除欲多合前丸又慮毒藥不可久服欲不服藥又恐病滋蔓宜合人參等七味丸服之方

人參 五兩

白朮 五兩

生薑屑 八兩

厚朴 四兩

細辛 四兩

橘皮 三兩

桂心 二兩

右藥搗篩為末蜜和為丸如梧子飲下之初服十九日二服稍稍加至二十九欲與前半夏丸間服亦得忌桃李雀肉生葱生菜吳昇同並出第一卷中

雜療嘔吐噦方三首

仲景傷寒論夫嘔家有癰膿者不可療也其嘔膿盡自愈若先嘔後渴者為欲解也先渴後嘔者為水停在心下此屬飲家

嘔家本渴今反不渴者以心下有支飲故也此屬支飲仲景

景維方此證當用小半夏加茯苓湯方在支飲門中
嘔脈弱小便復利身有微熱見厥者難療四逆湯主之方

甘草 二兩炙 附子 一枚破八片 乾薑 一兩

右三物以水三升煮取一升二合去滓溫分再服

強人用大附子一枚乾薑三兩忌海藻菘菜猪肉

又嘔心下痞堅者大半夏湯主之方

半夏 三升洗 人參 三兩切 白蜜 一升

右三味以泉水一斗二升并蜜和揚之二百四十遍煮

藥取二升半溫服一升日再服忌羊肉餛本論治反胃支飲

人乾嘔下利黃芩湯主之方

黃芩 三兩 人參 三兩 桂心 二兩

大棗 十二枚擘破 半夏 半升洗 乾薑 三兩強

右六味切以水七升煮取三升溫分三服忌羊肉餛生

葱出第十六卷中

噫醋方七首

病源噫醋者由上焦有停痰脾胃有宿冷故不能消穀穀

不消脹滿而氣逆所以好噫而吞酸氣息酸臭也出第三十一卷中

廣濟療吐酸水每食則變作醋水吐出檳榔散方

檳榔 十六分 人參 六分 茯苓 八分

橘皮 六分 葶撥 六分

菜

右五味搗篩為散平晨空腹取生薑五大兩合皮搗絞取汁溫內散方寸七攪調頓服之日一服漸加至一七半若利多減以微通洩為度忌酢物生冷油膩猪魚等又療常吐酸水脾胃中冷茯苓湯方

茯苓 十二分

橘皮 十二分

白朮 八分

人參 六分

桂心 六分

甘草 八分炙

紫蘇 十分

生薑 十二分

檳榔 七枚合皮子碎

右九味切以水九升煮取二升半絞去滓分溫三服每服如人行七八里未好差三兩日更服一劑老小取微利忌生葱酢物桃李雀肉海藻菘菜

又療嘔吐酸水結氣築心白朮散方

白朮 八分

茯苓 八分

吳茱萸 四分

橘皮 六分

萹撥 四分

厚朴 八分炙

檳榔 十分

人參 六分

大黃 十分

右九味搗篩為散空腹煮薑棗湯服方寸七日二服漸加至二七半覺熱服少飲食三兩口壓之忌酢物桃李雀肉等

苓

又療心頭結氣連胷背痛及吐酸水日夜不止茯苓湯方

茯苓 四兩

厚朴 四兩炙

橘皮 二兩

白朮 二兩

生薑 十兩

或中間食
時後能服
一劑銷痰
破冷

右五味切以水九升煮取二升七合絞去滓分温三服
每服相去如人行七八里須利加檳榔末一兩半湯欲
熱時內之甚安穩三日服一劑頻服五六劑可則停息
酢物桃李雀肉等一方有吳茱萸人參各二兩並出第
一卷中
延年療食訖醋咽多噫吳茱萸湯方
吳茱萸五合 生薑三兩 人參二兩 大棗十二枚破
右四味切以水六升煮取二升絞去滓分爲三服每服
相去十里久附後集驗文仲備急千金並同附後分兩
小別
又增損承氣丸療胃脅支滿背上時有一蒼熱則痛腹脹
多噫醋咽氣逆兩脅滿並主之方

前胡七分 枳實七分 桂心五分 乾薑五分

吳茱萸五分 茯苓四分 芍藥六分 厚朴十分

橘皮十分 大黃七分 杏仁七枚 炙令紫色別搗作脂

右十一味搗篩爲末內杏仁脂中研調節度蜜和丸每
服食後少時酒飲任性初服七丸如梧子以氣宣下洩
爲度忌生葱大醋並出第十七卷中

必効理中散主食後吐酸水食羹粥酪劇方

乾薑二兩 食茱萸二兩

右二味作散酒服方寸七日三温服勿冷服之常醋水
差千金同出第二卷中

校

右迪功郎充兩浙東路提舉茶鹽司幹辦公事張定
較勘

外臺秘要卷第六

以紀州宋本校

重訂唐王彙先生外臺秘要第六卷終

